


Archwilio Pam

Symbolau Ffydd

Un o lyfrau Aled a Sion



Archwilio Pam

Symbolau Ffydd

Leslie J Francis a Tania ap Siôn
Darluniwyd gan Phillip Vernon



Bear Lands Publishing

Aled a Siân

Mae Aled a Siân wrth eu bodd yn archwilio'r mannau lle maen nhw'n byw a'r mannau y maen nhw'n mynd i ymweld â nhw. Maen nhw'n mwynhau chwarae 'Dw i'n gweld â'm llygad bach i' er mwyn eu helpu i ddod i adnabod y mannau hyn yn well. Yn y gyfres *Archwilio Pam*, mae Aled a Siân yn chwilfrydig ac eisiau gwybod pam fod rhai o'r pethau o'u cwmpas yn bwysig i'w ffrindiau Cristnogol, Iddewig a Mwslimaidd.

Mae'r gyfres yn cymryd arwyddocâd cymdeithasol crefydd o ddifrif, ac mae'n seiliedig ar ymchwil helaeth i sut mae plant yn dysgu amdany'n nhw eu hunain, am bobl eraill, ac am y byd maen nhw'n byw ynddo.

I ategu'r gyfres hon o lyfrau stori, mae amrywiaeth eang o adnoddau ar gyfer plant ac athrawon, y gellir eu llwytho i lawr am ddim, ac maen nhw ar gael ar hwb.wales.gov.uk/Adnoddau a st-marys-centre.org.uk

Mae'r llyfrau stori a'r gweithgareddau wedi'u hanelu at blant 5 - 7 mlwydd oed, ond mae'r adnoddau sy'n bosib eu llwytho i lawr yn gwneud y gyfres yn berthnasol i blant iau a phlant hyn hefyd.

Cyhoeddwyd gan Bear Lands Publishing, Canolfan y Santes Fair, Llys Onnen, Abergwyngregyn, Gwynedd, LL33 0LD, Wales.

Hawlfraint © Tania ap Siôn a Leslie J Francis (testun), Phillip Vernon (darluniau).

Mae Tania ap Siôn, Leslie J Francis, a Phillip Vernon wedi mynnu eu hawl o dan Ddeddf Hawlfraint, Dyluniadau a Phatentau 1988, i gael eu nodi fel awduron y gwaith hwn.

Cyfieithwyd gan Nant Roberts.

Cedwir pob hawl. Ni chaniateir i unrhyw ran o'r cyhoeddiad hwn gael ei atgynhyrchu, na'i gadw mewn cyfundrefn adferadwy, na'i drosglwyddo mewn unrhyw ddull na thrwy unrhyw gyfrwng, electronig, electrostatig, tâp magnetig, mecanyddol, ffotogoptio, recordio, nac fel arall, heb ganiatâd llawn Bear Lands Publishing a deiliaid yr Hawlfraint.


Cyhoeddwyd gyntaf 2016.

Noddir gan Lywodraeth Cymru.

Teitlau'r gyfres *Archwilio Pam* yw:

Bara
Croes
Goleuni
Menora
Fêl
Dŵr
Symbolau Ffydd





Mae Aled a Siân yn chwarae 'Dw i'n gweld â'm llygad bach i'. Heddiw, maen nhw'n ymweld â'r Wyl Ffydd yn Neuadd y Dref. Maen nhw'n chwilio am symbolau ffydd.




Mae Aled a Siân yn cerdded i'r ystafell gyfarfod fawr. Maen nhw'n gweld lluniau o'r synagog a'r rabi.



Mae Aled a Siân yn gweld lluniau o'r mosg a'r imam. Maen nhw'n gweld lluniau o'r eglwys a'r ficer.



Mae Aled a Siân yn gweld eu ffrindiau Peter a Mary gyda'u mam. Mam Peter a Mary oedd wedi mynd â nhw i'r eglwys leol.




Yno, yn y gegin, mae mam Peter a Mary'n brysur yn pobi bara, ac yn gwahodd pobl eraill i'w helpu.



Maen nhw'n cymryd y burum ac yn ei dylino gyda'r toes cyn ei roi yn y popty.



“Rydyn ni’n gwybod pam mae bara mor bwysig i Gristnogion!”
meddai Aled a Siân gyda’i gilydd.




Yno, yn y gweithdy, mae Peter a Mary'n brysur yn gwneud croesau, ac yn gwahodd pobl eraill i'w helpu.




Maen nhw'n cymryd darnau o bren ac yn eu torri i siâp. "Rydyn ni'n gwybod pam mae'r groes mor bwysig i Gristnogion!" meddai Aled a Siân gyda'i gilydd.



Mae Aled a Siân yn gweld eu ffrindiau Nathan a Rachel gyda'u mam. Mam Nathan a Rachel oedd wedi mynd â nhw i'r synagog leol.



Yno, yn y gegin, mae mam Nathan a Rachel yn brysur yn gwneud canhwyllau, ac yn gwahodd pobl eraill i'w helpu.



Maen nhw'n cymryd y gwêr poeth, ac yn ofalus iawn maen nhw'n ei arllwys i fowldiau gyda wic yn eu canol.



“Rydyn ni’n gwybod pam mae goleuni mor bwysig i Iddewon!”
meddai Aled a Siân gyda’i gilydd.



Yno, yn y gweithdy, mae Nathan a Rachel yn brysur yn gwneud menorâu, ac yn gwahodd pobl eraill i'w helpu.



Maen nhw'n cymryd y darnau mawr o gerdyn ac yn eu torri'n ofalus i siâp. "Rydyn ni'n gwybod pam mae'r menora mor bwysig i Iddewon!" meddai Aled a Siân gyda'i gilydd.



Mae Aled a Siân yn gweld eu ffrindiau Ahmed a Salma gyda'u tad. Tad Ahmed a Salma oedd wedi mynd â nhw i'r mosg lleol.



Yno, yn y gegin, mae tad Ahmed a Salma'n brysur yn llenwi
jygiau â dŵr, ac yn gwahodd pobl eraill i'w helpu.



Maen nhw'n arllwys y dŵr o'r jygiau i bowlenni er mwyn i bobl gael golchi eu dwylo.



“Rydyn ni’n gwybod pam mae dŵr mor bwysig i Fwslimiaid!”
meddai Aled a Siân gyda’i gilydd.



Yno, yn y gweithdy, mae Ahmed a Salma'n brysur yn gwneud feliau, ac yn gwahodd pobl eraill i'w helpu.



Maen nhw'n cymryd rholiau mawr o ddefnydd ac yn torri'r defnydd yn ofalus i siâp. "Rydyn ni'n gwybod pam mae'r fêl mor bwysig i Fwslimiaid!" meddai Aled a Siân gyda'i gilydd.



Gyda'r croesau a bara, canhwyllau a menorâu, dŵr a feliau, mae'r ffrindiau'n dathlu symbolau eu ffydd gyda'i gilydd.

Mae Aled a Siân yn chwarae 'Dw i'n gweld â'm llygad bach i', a heddiw maen nhw'n chwilio am 'symbolau ffydd'. Maen nhw'n ymweld â Gŵyl Ffydd yn neuadd y dref ac yn dod o hyd i lawer o symbolau ffydd yno. Wrth iddyn nhw gymryd rhan yng ngweithgareddau cyffrous yr Ŵyl, maen nhw'n cofio pam fod pob un o'r symbolau hyn yn bwysig i'w ffrindiau.

